

3 YOANE

Pepa Yoane ñgere muli ndo panzi kalo-tawana tamâta

Yesu ne pâri tamâta Yoane ñgere ñgua pinde panzi kalo-tawana tamâta ñgu (1-2 Yoane), aku zo pinde ilâ lâ, ñineña ñgere ñgua pinde kilo. Ñgere ñgua ñine ku io ilâ pa ninambwe tonje, i ña tu Gaius. Gaius nde tamâta ñalae lâ kalo-tawana tamâta ñgu tonje, aku Yoane indekana i ñana kie ara iveta panzi kalo-tawana tamâta soka lombo simâ sipânga i ne lawea ñinde. Andeta Yoane iporo ñgua kaika ilelea tamâta tonje imo kunzi ñgu ñinde, i ña tu Diotrefes, ñana tu i ipu muli panzi tamâta lombo ku ipasuka tamwata tini.

¹ Naña amo kalo-tawana tamâta ñgu nenzi katonâña. Naña angere ñgua lâ pepa ñine tini imâ pa noko, Gaius. Noko nde naña ñingu-nambwe sonde, aku naña aporo mao nâ tu naña ilonju ndo keno pa noko.

² Niñgu-nambwe, naña ilonju tu vetâña rârâni noko uru kuveta ñinde ma ipânga sonde nâ. Aku naña ilonju tu pukonja kie-kie rârâni ma ñgenje ñanano tona. Naña asama tu noko ne ilo-kalo tava ne kalo-tawana nde ikeno ara nâ.

³ Munja, ninda-nambwe pinde nde simâ ñana simora naña kâ, aku situla noko parina pa naña mine tu noko uru kupo muli pa ñgua mao nâ. Kinzi siporo tu noko kupile vetâña mao ñinde tia ndo. Naña alonjo ñgua mine, aku wisinju

ara ndo. ⁴ Lâ zo ndia naŋa aloŋo ŋgua tu naŋa natuŋgu uru sipono muli pa ŋgua mao nâ, ande ŋinde iveta ilonŋu ara ndo, aku ndekâŋa ŋinde ipole nanenŋu ndekâŋa pinde rârâni.

Gaius iveta wurâta ara

⁵ Niŋgu-nambwe, noko uru kupono muli pa vetâŋa ara, aku uru kuveta kie ara ndo ŋana kuvilanzi kalo-tawana tamâta ŋinde soka lombo simâ pano. Noko muŋga kusamanzi tia, andeta kuveta kie ara nâ panzi. ⁶ Tamâta ŋinde sitapâri panzi maka nema ŋgu ŋana noko ne tini-mwasa ŋinde kâ. Aku lâ zo ndia tamâta lombo mine situ soka nzalanzi kilo silâ kâ, ande ara ŋana noko ma kuvilanzi kilo ŋana kelekele pinde ŋana nenzi yokâŋa kâ. Maro Kindeni ilo pa vetâŋa mine. ⁷ Muŋga, tamâta lombo ŋinde ilonzi tu siveta wurâta ŋana situla Yesu parina kâ, aku sipile warakanzi nenzi lawea ku silâ ŋana siveta mine kâ. Andeta kinzi sinonzi tinikoa pinde ŋana kelekele silanzi kâ, ande tia. ⁸ Mine nde ara ŋana kindi kalo-tawana tamâta ma tavilanzi tamâta ŋinde uru siveta wurâta pa Yesu. Ambo kindi ma taveta mine, ande kindi ma tapâŋga nenda wurâta taitu kunzi, ŋana tatula Maro Kindeni kawa ŋgua mao kâ.

Diotrefes uru iveta vetâŋa sakamao

⁹ Naŋa muŋga angere ŋgua pinde lâ pepa tini imâ panzi tamâta lâ noko ne ŋgu. Andeta Diotrefes itu i ma ipâŋga tamâta mbâna-mbâna panzi, aku ipu muli pa maka nema ŋgua ŋinde. ¹⁰ Mine kala ambo naŋa ma amâ amo kumi, ande naŋa ma aporo pwataki ŋana mâsi ŋinde i uru

iveta. I uru iporo ngua nao-muli wa ngua soki-soki rârâ nana maka kâ. Andeta ninde nâ tia; i tini pwâka tu ikainzi kalo-tawana tamâta soka lombo ninde ku ionzi lâ i ne luma ilo. Aku lâ zo ndia tamâta pinde sikainzi lombo ninde nana sionzi lâ warakanzi nenzi luma ilo, ande i uru isilikananzi kaika, aku injaranzi piti lâ ngu ninde.

Demitrius uru iveta vetâna ara

¹¹ Ningunambwe, noko ma kupaveta kuku mâsi sakamao mine ndimo. Ara nana noko ma kupaveta kuku vetâna ara nâ. Tamâta ea kinzi uru sipaveta kuku vetâna ara, ande kinzi simo Maro Kindeni natu wukale. Anga tamâta ea kinzi uru sipaveta kuku vetâna sakamao, kinzi ninde sisama Maro Kindeni kilala, ande tia.

¹² Tamâta rârâni uru situ Demitrius parina tu i nde tamâta ara ndo. Aku i tamwata ne vetâna itula pwataki tu ngua ninde nde mao nâ. Aku maka kala katula ngua pwataki nana i ne vetâna ara ninde kâ, aku miki kasama tu maka uru kaporo ngua mao nâ.

Katonâna ilo ndo tu ma imora Gaius

¹³ Nana ilongu tu angere ngua rârâ imâ pano, andeta tiningu pwâka tu ao ngua ninde lâ pepa tini. ¹⁴ Nana ilongu tu amâ amora noko walele nâ, aku lâ zo ninde kinda rua ma taporo wa tapalongo wa.

¹⁵ Wisi-pisi imâ pano. Ninda-nambwe lâ maka nema ngu nîne nde kawanzi kari ara pano. Aku ara nana noko kala ma kuporo wisi-ara ne ngua

mine nâ ilâ panzi ninda-nambwe taitu-taitu simo
lâ noko ne ngu ñinde.

MARO KINDENI KAWA NGUA
The New Testament and Psalms in the Sio Language
of Papua New Guinea
Nupela Testamen long tokples Sio long Niugini

Copyright © 1995 Wycliffe Bible Translators

Language: Sio

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-02-09

PDF generated using Haiola and XeLaTeX on 4 Mar 2023 from source files dated 22 Nov 2019

b3b81168-89df-5bc3-8b0c-cf72ef93d3de